



Addonsito Croes orguyoso di The Prime Ministers



COMO secretario di Stichting Klein Aruba (SKA), Addonsito Croes a expresa e orguyo cu e ta sinti di por a traha activo cu Omar Harms, Erin Croes y Jeng Leon, Kencho Wolff di Wolff Studio & CO. studio riba e realisacion di e documentario The Prime Ministers.

Tawata un aña di bon structura, estudio, disciplina y sigur placer cu a trece e producto historico aki cu e publico di 475 invitado den Cas di Cultura a aplaudi sin fin. Den e presentacion The Prime Ministers, ningun momento a sinti e concurrencia custumbra di e fanaticonan di partido MEP of AVP.



Bunita tawata pa scucha y mira e lidernan Henny Eman, Nelson Oduber, Mike Eman y Evelyn Wever Croes ser aprecia pa nan parti humano.

Na nomber di cada un cu a haci e produccion aki posibel, un danki grandi. Omar Harms, cu e idea unico aki, a sa di uni tur hende den e sala grandi yena cu harmonia. *“Pabien, mi ruman sin dolor Omar Harms pa bo amistad y confiansa; bo a logra algo nunca antes mira na Aruba. Stichting Klein Aruba ta orguyoso di a marca historia di nivel halto, hunto cu bo”.*

Dia 23 di maart '25 nos lo ripiti e documentario/pelicula aki den Cas di Cultura pa 6:00 pm. Lo ta bendiendo carchi na porta pa 5:10 pm.

Danki UNOCA, Cede Aruba, ATA, Compra nv, SETAR, Grant Thornton, HCC, APA nv, AAA, Magic 96.5 fm, CMB y Prensa di Aruba.

Potretnan ta cortesía di 24ora.com y Juan Luis di notsochubby productions.

